

## COMMUNICAZIUN A LAS MEDIAS

Poschiavo, ils 15 da zercladur 2026

### **Repower inoltescha ina dumonda d'approvaziun dal project per l'implant electric Chlus**

Repower ha decis da far la dumonda d'approvar il project da forza idraulica Chlus. Cun quai arriva in dals projects da forza idraulica ils pli impurtants en Svizra ad in ulteriur term impurtant. Betg colliada cun quella dumonda è ina decisiun da construcziun definitiva.

Repower conferma la cuntinuaziun dal project Chlus ed ha decidì d'inoltrar la dumonda d'approvar il project tar il chantun Grischun. Repower sviluppa vinavant il project cun auta prioritad e stgaffescha la basa per ils proxims pass da proceder e planisaziun.

Il project Chlus è planisà sco implant supplementar a l'ovra electrica existenta da Küblis e furma uschia la cuntinuaziun da la cascada d'implants electricis en il Partenz fin al Rain. Tenor il stadi da project actual pudess l'implant ensemen cun la centrala a Trimmis producir mintg'onni radund 217 GWh d'energia regenerabla, da quella circa 65 GWh durant l'enviern. A medem temp eliminass il project Chlus ils impediments chaschunads da las midadas da la deflussiun d'aua en la Landquart.

#### **L'approvaziun da la concessiun è avant maun**

La realisaziun d'in project grond sco Chlus premetta da sclerir a moda fidaivla las diversas dumondas da proceder e finanziaziun a moda fidaivla. Las vischnancas concessiunarias sustegnan il project dapi onns ed han gia stgaffì las cundiziuns en lur champ da cumpetenza. L'approvaziun da la concessiun per il project è vegnida concedida gia avant in onn.

Cun inoltrar la dumonda d'approvar il project cumenza ussa la procedura d'approvaziun dal project sin plaun chantunal. Parallelamain fa Repower avanzar las ulteriuras lavurs da preparaziun, surtut ils process d'acquisiziun e submitsiun. Questas lavurs èn necessarias per survegnir las basas da decisiun resistentas per ina decisiun da construcziun futura.

#### **La decisiun da construcziun è anc pendent**

Malgrà la decisiun dad oz restan las premissas fundamentalas avertas, tranter auter l'approvaziun dal project dal chantun Grischun ed il consentiment liant per il sustegn finanziel da la Confederaziun prevesì tenor la lescha. I vegn fatg quint cun contribuziuns d'investiziun per la forza idraulica gronda e contribuziuns en connex cun la sanaziun da las midadas da la deflussiun d'aua. Ultra da quai spetga Repower, anc avant la decisiun da construcziun futura, ulteriurs scleriments davart la realisaziun da la strategia da forza idraulica chantunala. Quella duai mussar co che l'ovra idraulica Chlus s'adattass energeticamain al parc d'implants electricis futur

da la Repower SA. Pir cura che questas premissas èn avant maun, po Repower prender definitivamain la decisiun da construir. Èn quellas premissas punctualas e la decisiun positiva, pon las lavurs da construcziun cumenzar l'onn 2028. Per la realisaziun dals implants è previs in temp da construcziun da radund tschintg onns.

## Contact

Stefan Bisculm

manader post da medias

t +41 81 423 78 73

m +41 79 372 77 76

[stefan.bisculm@repower.com](mailto:stefan.bisculm@repower.com)

---

## Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milaun. Repower è activa lung l'entira chadaina da valurisaziun da l'electricidad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.